

Skólanefnd Undralands. 25. fundur haldinn 29. apríl 2014 kl. 17.00. Fundargerð.

Fundarmenn mættir. Helgi Jóhannesson, (ritaði fundargerð) Bjarney Vignisdóttir, Guðmann Unnsteinsson, Halla Gunnarsdóttir, Sigfríð Lárusdóttir og Arnheiður S Þorvaldsdóttir.

Formaður stetti fundinn og bauð fundarmenn velkomna. Gengið var til dagskrár.

1. Ráðning leikskólastjóra. Formaður kynnti eftirfarandi greinargerð:

*Til fræðslunefndar Hrunamannahrepps*

*Vegna ráðningar leikskólastjóra við leikskólann Undraland á Flúðum.*

*Tveir umsækjendur voru um stöðu leikskólastjóra, þær Freyja Þorkelsdóttir Vesturbrún 6, Flúðum og Halldóra Halldórsdóttir Efra-Seli, Hrunamannahreppi.*

*Tekin voru viðtöl við báða umsækjendurna 7. apríl sl. Jón Valgeirsson sveitarstjóri, Helgi Jóhannesson formaður skólanefndar og Hrafnhildur Karlsdóttir teymisstjóri og kennsluráðgjafi í Skóla- og velferðarþjónustu Árneshlíða tóku viðtölin og fóru yfir umsóknir. Niðurstaða þeirra er sú að báðir umsækjendur séu hæfir til starfsins. Umsækjendur standa jafnfætis varðandi menntun, eru báðir þekktir af færni í samskiptum og hafa svipaðar áherslur varðandi framtíðarsýn leikskólans og hvernig þróa megi faglegt starf. Stjórnunarreynsla Halldóru og reynsla af áætlanagerð vegur þyngra í mati á því hvor umsækjandinn hljóti starfið, en Halldóra gegndi starfi leikskólastjóra í Undralandi í tvö ár. Það var farsæll tími og hnökralaus að mati undirritaðra.*

*Undirrituð mæla því með því að Halldóra Halldórsdóttir verði ráðin leikskólastjóri, enda uppfylli hún betur þau skilyrði sem sett voru fram í auglýsingu um starfið.*

*25. apríl 2014*

*Virðingarfyllt*

*Jón Valgeirsson*

*Helgi Jóhannesson*

*Hrafnhildur Karlsdóttir*

Málið rætt og voru skiptar skoðanir. Guðmann og Bjarney láta í ljós efasemdir um forskot Halldóru í ljósi þess að hún fer í leyfi sem leikskólastjóri í janúar 2013 og sagði starfi sínu lausu í september 2013. Einnig telja þau að Freyja hafi náð sér í meiri menntun í stjórnun en Halldóra. Þau taka því ekki undir það álit sem fram kemur í greinargerðinni.

Helgi stendur við það sem hann leggur til í greinargerðinni. Ekki er því meirihluti fyrir því í skólanefnd að ljúka málinu eins og lagt er til í greinargerðinni.

Fleira ekki rætt og fundi slitið.

